



Gradonačelnik

Ul. Varoških polja b.b., tel/fax: 035/369-162, e-mail: opc.sreb@bih.net.ba, web: www.srebrenik.ba

Broj: 07-4293/19

Datum: 07.01.2020.godine

Na osnovu člana 69. stav (2) tačka e) Zakona o javnim nabavkama ("Službeni glasnik BiH", broj: 39/14), Odluke o izvršenju budžeta općine Srebrenik, („Službeni glasnik općine Srebrenik“, broj: 10/18), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) i Privremene Statutarne odluke grada Srebrenik („Službeni glasnik Grada Srebrenik, broj:1/19), a na preporuku Komisije za javnu nabavku broj:07-4293/19 od 31.12.2019.godine Gradonačelnik grada Srebrenik u postupku javne nabavke za **Izgradnju kanalizacione mreže sa priključkom na uređaj za prečišćavanje u Industrijskoj zoni MZ Špionica i MZ Špionica Donja - Faza I**, donio je:

O D L U K U
O PONIŠTENJU POSTUPKA

I

Poništava se postupak javne nabavke za **Izgradnja kanalizacione mreže sa priključkom na uređaj za prečišćavanje u Industrijskoj zoni MZ Špionica i MZ Špionica Donja - Faza I** iz razloga što su ponude " Sančo" d.o.o. Srebrenik u iznosu od 293.195,97 KM (cijena bez PDV-ea) i "Hirdomont" d.o.o. Srebrenik u iznosu od 314.313,66 KM (cijena bez PDV-ea) iznad sredstava obezbijeđenih u budžetu.

II

Ova odluka objavit će se na web-stranici www.srebrenik.ba istovremeno s upućivanjem ponuđačima koji je učestvovali u postupku javne nabavke, u skladu sa članom 70. stav 6. Zakona o javnim nabavkama

O B R A Z L O Ž E N J E

Komisija za javnu nabavku je sačinila zapisnik broj: 07-4293/19 od 31.12.2019.godine i konstatovala je da su pristigle dvije ponude " Sančo" d.o.o. Srebrenik u iznosu od 293.195,97 KM (cijena bez PDV-ea) i "Hirdomont" d.o.o. Srebrenik u iznosu od 314.313,66 KM (cijena bez PDV-ea) i da su obje iznad procijenjene vrijednosti i sredstava predviđenih u budžetu. Procijenjena vrijednost 209.436,37 KM bez PDV-ea.

. Obzirom da su ponude iznad sredstava obezbijeđenih u budžetu to je Komisija u skladu sa članom 69. stav 2. tačka e) predložila Gradonačelniku da se postupak poništi i zahtjev Službe preispita, te postupak ponovi.

U postupku donošenja ove odluke, utvrđeno je da je komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku javne nabavke ne sumnjivo je utvrđeno da su obje ponude iznad sredstava obezbijeđenih u budžetu.

U skladu sa gore navedenim, te u skladu sa članom 69.stav (2) tačka e) Zakona o javnim nabavkama, komisija je predložila da se postupak poništi, a što je i prihvaćeno.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana objavljivanja ove odluke.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđaču


2. Nadležnoj službi,

3. Evidenciji i

4. Arhivi.



GRADONAČELNIK


Dr. sci. Nihad Omerović